



Inatsisartuni ilaasortaq
Anthon Frederiksen, Partii Naleraq
/MAANI

Erngup nukinganik innaallagissiorfiit aamma eqqakkanik immikkoortiterisarneq pillugu § 37 naapertorlugu apeqqut nr. 2016-075-imut akissut

10-03-2016
Sags nr. 2016 - 3987
Akt. nr. 2254722

Postboks 1614
3900 Nuuk

Tlf. (+299) 34 50 00

Fax (+299) 34 54 10

E-mail: paian@nanoq.gl
www.naalakkersuisut.gl

Asasara Anthon Frederiksen

25. februar 2016-imi ilaatigut erngup nukinga, Ilulissani innaallagissiorfik, ikuallaaviit aamma Nuummi eqqakkanik immikkoortiterisarneq pillugu Naalakkersuisunut apeqquteqarputit.

Apeqqutitit (nr. 1-5) matuma kinguliani akissuteqaatinni issuarneqarput.

1. Erngup nukinganik nukissiorfiit pioreersut, nukik pilersinneqartoq ataatsimut katillugu qanoq angitigisoq atunngitsoortarpaat?

Erngup nukinganik innaallagissiorfinni pioreersuni nukik, Qorlortorsuarimi, Sisimiuni Tasiilamilu erngup nukinganik innaallagissiorfinni tunisassiarineqarsinnaasoq tamakkerlugu atorneqartarpoq.

Nuummi (Utoqqarmiut Kangerluarsunnguanni) erngup nukinganik innaallagissiorfimmut tunngatillugu piffissap ilaani tunisassiaq annertunerusinnaavoq, aammalu Ilulissat (Paakitsumi) ukioq kaajallallugu tunisassiaq annertunerusinnaavoq.

Ilulissani ukiumut 40 GWh-t missaat sinnerussinnaavoq, aammalu Nuummi ukiup ingerlanerani piffissap ilaani nukik katillugit 30 GWh-t missaannik annertussusilik sinnerussinnaavoq; Nuummi pingaartumik upernaakkut, aasakkut ukiakkullu tunisassiaq annertunerusinnaavoq.

2. Erngup nukinganik nukissiuutit nukik pilersittagaat tamakkiisumik atorluarneqarsimangippat, Naalakkersuisut nukimmik atorluanaanissaq siunertaralugu qanoq pilersaaruteqarpat?

Erngup nukinganik innaallagissiap, erngup nukinganik innaallagissiorfinni pioreersuni tunisassiarineqarsinnaasup annertunerpaamik atorneqarnissaa Naalakkersuisut anguniagaraat.

Nuummi nukimmut atorneqanngitsumut tunngatillugu Nukissiorfiit sarfamut sakkukitsumut aqqusersuutiniq qajannaallisaalluni suliaqarput, taamaallinilu najugaqarfinnut, nalinginnaasumik kiassaatiit uuliatortut atorlugit kiassarneqartunut

innaallagissamik kiassarermik qaminneqarsinnaasumik neqeroortoqarsinnaalissaaq. Inissiaqarfiit taakku innaallagissamik kiassarermut qaminneqarsinnaasumut attavilerneqarnerisigut, Utoqqarmiut Kangerluarsunnguanni engup nukinganik innaallagissiorfimmi nukiup atorneqanngitsup tamakkiisumik atorneqarsinnaalernissaa naatsorsuutigineqarpoq.

Aamma Ilulissani nukimmit atorneqanngitsumit annertoq inissianik, nalinginnaasumik kiassaait uuliatortut atorlugit kiassarneqartunik kiassanermut atorneqarsinnaavoq. Nukissiorfiit suliniutinik aallartitsinissamik eqqarsaateqarput, tassanilu Ilulissani najugaqarfinni sarfamat sakkukitsumut aqquersuutit qajannaallisarneqarnissaat, taamaalillunilu aamma tassani illunut ilaqtariinnut ataatsinut inissianut innaallagissamik kiassarermik qaminneqarsinnaasumik neqeroortoqarsinnaalernissaa eqqarsaatigineqarput.

Aningaasanut inatsit 2016-imut oqaasertaliussat (konto pingaarneq 73.94.02) malillugit aamma Nukissiorfiit Naalakkersuisunit akuerineqarlutik ilaatigut innaallagissiornermi pisinnaasanik sinneruttunik immikkut piumasaqaateqarfiusumik tuniniaanissamat piginnaatinneqarput. Sumiiffiit pisinnaasanik sinniiffiusut taamatut nunap assinganut titartarneqarnissaat Naalakkersuisut suliniutigaat, taakkulu malillugit ilaatigut inuussutissarsiutinik attaveqaatinillu nutaanik pilersaarusionermut ilanngussisoqarsinnaassaaq.

3. Ilulissani kallerup inniliorfitoqarsuaq 1950-ikkunnili sanaajusimasoq maanna sumut atorpa?

Ilulissani innaallagissiorfitoqaaq sillimmataasoq ingerlanngilaq, 2012-imi septembarimi ikuallannermi kingorna suliluarsanneqannginnami.

Nukissiorfiit ilisimatitsipput, illu innaallagissiorfittut sanaqqinneqassanngitsooq. Innaallagissiorfimmi tunisassionermut atortut piarneqarlutik illumit anninneqarnissaat pilersaarutigineqarpoq, tamatumalu kingorna illu Nukissiorfiit innaallagissamik siaruarternermut immikkoortotaqarfiata pequusivissaatut sannavissaatullu pilersaarusionerqassaaq. Sanaqqinnissaq maanna pilersaarusionerqarpoq.

4. Illoqarfinni eqqakkanut ikullaasarfilinnit, kiak qanoq annertutigisooq Nukissiorfinnut kommuniniit tunineqartarpa?

Nukissiorfiit ilisimatitsipput, Nukissiorfiit Qaqortumi, Nuummi, Maniitsumi, Sisimiuni Ilulissanilu eqqakkanik ikullaavinniit kissamik pisisartut.

Matuma kinguliani skemami kissap sinneruttup, Nukissiorfinnit ukiuni kingullerni marlunni illoqarfinni matuma siuliani taaneqartuni ikullaavinnit ataasiakkaanit pisiarineqarsimasup annertussusaat allatorneqarput:

Illoqar loqarfik	Nuuk	Sisimiut	Ilulissat	Maniitsoq	Qaqortoq
Ukioq	MWh	MWh	MWh	MWh	MWh
2011	12.161	3.142	1.685	2.287	5.652
2012	16.557	4.109	1.184	2.488	4.260
2013	19.459	4.584	1.467	2.417	4.673
2014	16.810	4.109	1.353	2.083	1.043
2015	15.909	3.142	2.862	1.867	3.309

5. Sermersuup kommuniani, Nuup illoqarfiani eqqakkanik immikkoortiterisalnissamik pilersaarutaanut nutaamut Namminersorlutik Oqartussat suleqataarusuppat?

Kommunip suliniutai, eqqagassalerinermi pitsanngorsaanermut tapertaasinnaasut Naalackersuisunit pitsaalluinnartutut isumaqarfigineqarput. Kommunip ulluinnarni eqqagassalerinerup ingerlanneqarnera isumagisassaraa. Pinngortitamut, Avatangiisinut Inatsisinillu Atuutsitsinermut Naalackersuisoqarfiup kommuninik tamanik suleqateqarnissaq suliatigullu avitseqateqarnissaq pingaartippaa. Naalackersuisoqarfiup Kommuneqarfik Sermersuup Nuummi eqqakkanik immikkoortiterisarnermi misilittagaanik tusagaqarnissani qilanaaraa.

Inussiarnersumik inuulluaqqusillunga

Mala Høy Kúko